



21336

III

Mag. St. Dr.

P

Poloniae Rex.

Inogulecki Nicolai: Ode quinque de Sigismundo  
di Poloniae Regis Trophaeis.

Romae Typis franc. Corbellotti. 1629.

Art. deced.

of Inogulecki dykcyonary Paktor pod Ino-  
gulecki.

Autor Jonianus Gilbert.

Oly te poudrukowane w Jonianusa

Odium libri IV. Coloniae. Per uxor.

olhu sumpt. Dera. Gualtheri

ad str. 61 - 78.

PANEG. et VITAE  
Polon. Fol.  
№ 1212.



BLIOTHEQUE  
AGELLONICA





POTENTISSIMO POLONIAE REGI  
**SIGISMUNDO III.**  
MAGNO DUCI LITVANIAE,  
RVSSIAE, PRVSSIAE, MASOVIAE,  
SAMOGITIAE, LIVONIAE,  
NECNON SVECORVM, GOTHORVM,  
VANDALORVMQ. HAEREDITARIO REGI.

*NICOLAVS DE SMOGVLEC SMOGVLECKI F.*



ECVNDAM, & quadragesimam SIGISMVNDI de barbaris hostibus victoriam Poloni numerant, qui imperij Tui diuturnitatem triumphis malunt distinguere, quàm annis; Illustriores rati virtutis esse notas, quàm ætatis. Tot strages hostium, tot bellicæ felicitatis auctaria Tua viderunt, quot ipsa spondente fortuna, sperare vix poterant; quam tam secundam expertum esse mirum est eum, qui primo semper loco virtutem habuit. Et tamen plures expectat speratque Christianus Orbis, cuius Te hostes ipsi (quorum iudicium quò benevolentiae minus, eò plus habet veritatis) aut murum, vt Hectorem Troiæ, aut scutum, vt Romæ Fabium agnoscunt; Plures inquam expectat laureas ab hac senectute Tua tam fertili victoriarum, quàm non infœcunda virtutum, & quæ accessu confirmata gloriæ, deterioris detrimenta non sentit ætatis. Præsertim cum præteritorum memoriam tanquam obsidem, & fideiussorem ac pignus habeat

A futu-



futurorum. Vt enim hactenus nullus Regni tui triumphorum sterilis annus fuit, ita nullum deinceps veræ laudis ac virtutis vacuum fore momentum speramus. Gratulor tibi, SIGISMUNDE, quem tanquam ubique præsentem intueor, qui gloria Tui nominis vniuersam Europam occupas, imples fama. Gratulor Patriæ in tanta eligendi facultate SIGISMUNDVM ei potissimum placuisse, hoc est, præ cæteris vniuersorum ordinum iudicio præstitisse; qui tamen prius virtutum omnium suffragio, & quasi centuriatis comitijs in Regnum fueras vocatus; quod imploratus, vt seruares, accepisti, peritulum funditus nisi accepisses. Occurrebant animo, & turmatim obtrudebant sese Demetrii, Basilij, Cassigeri, & cætera hostium ac triumphorum Turpium nomina, quæ SIGISMUNDVM virum suo sæculo maiorem ostenderunt, dignum meliore dicerem, nisi Tuum optimum, & felicitate, gloriaque cum prioribus comparandum fecisses. Verum ego in tanta laudandi copia, pauca quædam delege, quæ in publica gentium luce Romæ proponerem, & Christianæ Religionis (absit veritati inuidia) Tutorem in amplissimo Religionis concilio tanquam in theatro spectandum darem. Ciuiles victorias non attingi, quia cum agere me Romæ scirem, agendum mihi constitui Romanorum more, apud quos ciuilibus bellis triumphum decerni nefas erat, ne Romano sanguine madentes laurus plaudentium oculos, publicamque lætitiā, iusti sensu doloris, domestici que luctus ferali quadam pompa confunderent: Tum quia plus habebant splendoris, inuidiæ minùs erecta de Turcis trophæa. Quid enim aut nobis gratius, aut præ-



præclarius tibi, quàm victores orbis terrarum vin-  
cendo, ostendisse vinci omnino posse? Cum enim Tu  
multitudinem infinitam incredibili paucorum virtu-  
te fregisti, ostendisti quàm non difficile terror ille  
Europæ, Christiani nominis lues, ac Regnorum cha-  
rybdis deleri posset, si vel fautores execranda super-  
stitio pauciores haberet, vel Christiana Religio plu-  
res SIGISMUNDOS. Vidimus paucis ab hinc an-  
nis, cum barbaros ad septingenties mille ferocitate  
non minus quàm ferro armatos, exiguis quidem co-  
pijs, sed Polonis, sed Tuis, & Tua, hoc est, vera virtute  
animatis profligasti. Et poterat tunc Polonia orienta-  
lis esse caput imperij, cum armorum fragore, & fu-  
gientium strepitu perculsa Constantinopolis Tuum, vt  
caperetur, aduentum solum expectaret, nisi maluisses  
fide in perfidum toties hostem vt, quàm fortitudine;  
cum tibi decretum esset non barbarorum fines inua-  
dere, sed tui Regni simul & Orbis Christiani limitem  
tueri. Fortunæ, quod vulgo fit, ne minimam quidem  
partem in tuis laudibus tribuendam putavi, qui pro-  
bè nossem omnia te virtuti debere, eamque vtramque  
tibi paginam impleuisse, & expensi laboris, &  
honoris accepti. Neque verò adulationum lenoci-  
nio, & Poëticis coloribus opus mihi fuit; cum ea  
domi forisque gesseris, quæ liberum nobis esset di-  
cere, audire tibi gloriosum. Patere ergo, REX  
SERENISSIME, me Regij nominis fulgore  
aliquam vmbratili, literatæque pugnae lucem accer-  
sere: Non me deterret Maiestatis Regiæ sublimitas,  
quem SIGISMUNDI facilitas inuitat. Etenim  
cum virtutes tuæ longè à vitiorum confinio secer-  
nantur, tamen (vt liberè dicam, quod plerique sen-  
tiunt)



4  
tiunt ) summam mansuetudinem vel hostibus ipsis ex-  
hibes . Agnoscis crimen ; imo , nisi fallor , amplecte-  
ris : Quid enim honestius in viro Principe culpa be-  
nignitatis ? Dignum sanè vitium quod Reges habeat  
imitatores : siquidem , cùm famam tibi Principis op-  
timi cæteris virtutibus paraueris , humanitas tua tibi  
immortalitatis , ( quando diuinitatis Tua pietas audi-  
re non patitur ) opinionem conciliauit .



ODE



5

ODE PRIMA.  
VIRTVTVM ACIES  
SVB SIGISMVNDI SIGNIS PVGNAT.



*IVA, subiectas domina coronas  
Quæ manu spargis, soliysq. gaudes.  
Aut adoratis populo minori  
Ludere sceptris.*

*Diua, quam rebus trepidis pauentes  
Ambiunt Reges, & emace voto  
Ducit in partes facilem moueri  
Miles iniquus.*

*Quæ simul curru volitans secundo  
Castra lustrasti, placidasque visa  
Ire per turmas, vel amica dextra  
Tollere signa:*

*Ilicet campo fugiunt, latentes  
Grandibus tecti clypeis Timores,  
Et Metus vani generosa circum  
Signa volantes.*

*Ilicet vires redeunt, amorque  
Martis insani; cupidusque laurum  
Morte venalem rapuisse gliscit  
Mentibus ardor.*

*Perge bellaces animare turmas,  
Vnde Mars ortus: neque iam POLONIS  
HOSPES IN CASTRIS, ubi te sodalem  
Horrida Virtus.*

*Et triumphatos celebrare Turcas  
Læta ventoso vaga Fama curru,  
Et coronali sequitur superbus  
Fronde Triumphus.*



Dum SIGISMUNDO violentus armat  
 Omnibus ripis TANAIIS cohortes,  
 Et Dabæ THRACVM maculosa tergent  
 Arma cruore.

Regium stipant latus, irrepexo  
 Crine formosus labor, & futuri  
 Mens sagax auspex, & adulta bello  
 Consilij vis.

Quem fatigatum modò Sol diurna  
 Ipse iam fessus simili labore  
 Vidit, hunc cernunt vigiles mouentem  
 Sidera curas.

Lucis in partem miserata longos  
 Fratris errores venit, Indicoque  
 Dum latet ponto, vacuum pererrat  
 Cynthia cælum.

At SIGISMUNDVS vigil obstinato  
 Torquet insomnes animos tumultu,  
 Nec vices mutans iubet imperatos  
 Vincere somnos.

Larga deuoti Pietas cruoris,  
 Et Fides nullo violata furo,  
 Et Tenax æqui, scelerumque vindex  
 Castra sequuntur.

Tanta VIRTVTVM tibi dum POLONIS  
 Militat CASTRIS ACIES, propinque  
 Terror Europæ tibi cessit uni  
 Thracius hostis.

Nec minax ultra pharetra insolenti  
 TARTARVS, laxo famulatur arcu,  
 Aut pigras inter meditatur alta  
 Otia syluas.



Ibat Hybernæ similis procellæ  
 Arctici victrix acies Tyranni,  
 Et cruentandus Scythicis fremebat  
 BOSPHORVS armis.

Qualis in rupes fremit, & minaci  
 Ister undarum cumulo, minorum  
 Fluminum diues spolijs, Apriles  
 Colligit iras.

Ni SIGISMUNDI generosus ardor  
 Intumescens propè funerandæ  
 Littus Europæ tenuisset alto  
 Obijce fluctus.

Empta virtuti modico cruore  
 Vilior laus est: meliorque magnam  
 Impedit frontem grauiore laurus  
 Empta periclo.

Quotuum., PRINCEPS, reditum triumpho  
 Mæsiæ valles, Hypanisque tuto  
 Alueo liber celebrent, & aurea  
 Phasidis ora?

Dum tuos VICTOR Getica reuifis  
 Cæde formosus, spolijsque Thracum  
 Altior, lato populos frementes  
 Aspicias ore.

Quas tibi moles Pario labore  
 Ponat Arctos monumenta cladis  
 Fama, seu maus Scythico triumphos  
 Marmore signet?

Illa per fastos memores sacrabit  
 Nomen eternis titulis, tuamque  
 Inde virtutem noua Posterorum  
 Mittet in ora.



Hoc habe pulchri pretium laboris,  
 Frigido viuas cineri superstes,  
 Grata quem pubes, populusque longo  
 Eximet auro.


NEC LADISLAUS pauidos in hostes  
 Fulminat magno leuior Parente,  
 Dum Patri sese probat, & paternas  
 Exerit artes.

Quantus armato metuendus astro  
 Surgit Orion, timidamque plebem  
 Siderum terret, rutilusque stricto  
 Fulgurat auro.

Fessa bellorum tibi tradit ultro  
 Regna felici moderanda sceptro,  
 Et pharetratas animosa mittit  
 Moschua turmas.

Hoc tue, PRINCEPS, satis est iuuentæ:  
 His rudimentis populos regendi  
 Patrias artes, & auita disce  
 Sceptra mouere.

ODE SECVNDA  
 V I C T O R I A  
 SIGISMVNDVM CORONAT.



D arma, ad arma milites, ad arma:  
 Pauidis seges horreat ærea campis:  
 Cassis amoeno horrore, iubaque  
 Fluctuet ancipiti;  
 Et facilis colludere vento,  
 Nutu minctur hostibus.

Terri-



Terribili sonitu litui fragor  
 Aere canoro cieat Martem,  
 Bellique minas acuat cantu.  
 Ad arma, ad arma, ad arma.  
 Inauspicatos excitat impetus,  
 Et Concanorum plus vice simplici  
 Osmannus expertas cohortes  
 Fraudibus Odrysijs laceffit.  
 Patriæ vindex pietas decoras  
 Urget in cædes, animasque magnæ  
 Prodigas vitæ rapit, impijsque  
 Obijcit armis.

Ad arma, ad arma milites, ad arma.

Aerea terribili tuba murmure  
 Cieat Martem, bellique minas.  
 Ad arma, ad arma, ad arma.  
 Nocturna signis turpibus insidet  
 Fraus. imbecillo cui comites gradu  
 Iunguntur ignavi Timores,  
 Et trepidas acies oberrant.

Pugna probrosas latet inter umbras  
 Nec diem testem patitur; sed altâ  
 Conscios tendunt oculos cruenta  
 Sidera nocte

Ad arma, ad arma milites, ad arma.

Aerea terribili tuba murmure  
 Cieat Martem, bellique minas:  
 Ad arma, ad arma, ad arma.  
 Sed iam recedunt agmina Bistonum,  
 Aut arua, mordent immiserabiles,  
 Frustraque fortunam priorem  
 Aemathijs lacrymantur armis.



Iam LADISLAVS vacuus pericli,  
 Barbaro letus potitur triumpho;  
 Iamque VICTRICES AQUILAS, POLONA ha-  
 stilia tollunt.

Fugite, fugite, fugite pede præcipiti;  
 Fugite, fugite celeres equitum cunei.  
 Aedones, Bistones, Moschui, Tartari, Barbari:  
 Fugite, fugite Tartari, fugite Barbari.  
 Instat citati fulminis impetu,  
 Et nube missis ignibus acrior  
 Miles Polonus, et morarum  
 Impatiens furit ante pugnam.

Qualis Eleo Sonipes in aruo  
 Letus absentem cauat ungue campum:  
 Sic eques strictis violentus armis  
 Ardet in hostem.

Fugite, fugite, fugite pede præcipiti,  
 Fugite, fugite celeres equitum cunei,  
 Aedones, Bistones, Moschui, Tartari, Barbari:  
 Fugite, fugite Tartari, fugite Barbari.

Vos caprearum turba fugacium  
 Fractis Leones cornibus aggredi  
 Audetis, imbellique fronte  
 Ore auido peritura turba?

Quò furor mentes agit, insolensque  
 Martis insani rabies? quis ardor  
 Signa conuellens, Rhodopen sinistro  
 Numine tentat?

Fugite, fugite, fugite pede præcipiti,  
 Fugite, fugite celeres equitum cunei  
 Aedones, Bistones, Moschui, Tartari, Barbari:  
 Fugite, fugite Tartari, fugite Barbari.

Iam



*Iam nec latebris, nec locus est fuge  
 Ignava Turcæ pectora: nil iuuat  
 Hostem experiri fraudulentis  
 Consilijs, tacitaque nocte.  
 Iam recedentes ubi Sol tenebras  
 Eximet cælo, dominata campis  
 Thressa languebit, dubioque cedit  
 Cynthia cornu.*

*Fugite, fugite, fugite pede præcipiti,  
 Fugite, fugite celeres equitum cunei  
 Aedones, Bistones, Moschui, Tartari, Barbari:  
 Fugite, fugite Tartari, fugite Barbari.  
 Io triumphe.*

*Dicite io, bis io, ter io triumphe,  
 Vos animæ fortes, vos nati ad bella **POLONI.**  
 Carpit Idumæas felix Victoria palmas,  
 Fortiaque Aemonia circumdat tempora lauro:  
 Dicite io, bis io, ter io triumphe.*

*Odrysius acies, debellatosque Gelonos,  
 Et coniuratas Europam adiungere victis  
 Olim Asiæ, Libyesque plagis iam dicite fractas.  
 Threiciam, Aemathiamque; & formidabile regnis  
 Osmanni nomen, & Thressæ cornua lunæ.  
 Dicite io, bis io, ter io triumphe.*


*Dum Phasim veterem, & famosam vellere Colchon,  
 Ismaraque, & Rhodopen, & quicquid Vistula letis  
 Amplexatur aquis, aut Vilia flexibus ambit,  
 Fama **SIGISMVNDI** doceat celebrare triumphos.  
 Dicite io, bis io, ter io triumphe.*

*Fama **LADISLAO** ter io cane; tuque Parenti  
 Fama **SIGISMVNDI** ter io cane; vosque Poloni  
 Dicite io, bis io, ter io triumphe.*

ODE



ODE TERTIA.  
PIETAS SIGISMUNDO  
TRIUMPHVM ADORNAT.



*R* messes Arabum focis,  
Et nimbos Cilicum, & diuitis India  
Fruges adde POLONIA.  
Et promissa diu solue fauentibus  
Diuis vota memor, neque  
Fraudentur meritis templa vaporibus.  
Non iam milite Tartaro

Desolata gement arua Valachia,  
Nec pulsata equitem exterum  
Tellus Barbarica sentiet ungula;  
Nec victus toties Scythia  
Viset sanguinea rura Podolia;  
Et campos memores fugae,  
Lassis urget equis dum stimulos Pavor  
Thressum post equitem sedens:  
Ignauique Metus terga fugacium  
Obuerso clypeo tegunt.  
Tunc, Osmanne, tibi dura necessitas  
Hanc vocem. & pudor extudit.  
IMBELLIS volucrum turba fugacium  
Pugnaces aquilas, (nefas!)  
Vltrò prosequimur, vanaque praelia  
Vncis ludimus unguibus.  
Signis antè quidem Semiuiui Phryges  
Cesserunt Othomannicis:  
Et quondam ingenijs Græcia nobilis,  
Et mitis Paros, & manu  
Imbelles Tyrj, quique Corinthio

Vnda-



*Vndarum arbiter insolens*  
*Isthmus, bina, iugo diuidit æquora;*  
*Lunatasque vehens rates*  
*Fæcundus subita Nilus adorea*  
*Captiuo fluit alueo;*  
*Et quicquid Libyco clauditur æquore,*  
*Arctoo premitur iugo.*  
*At non & simili Marte POLONIA*  
*Tentanda, & iuga Carpathi,*  
*Et deuota neci pectora libera,*  
*Audacesque mori Aedones:*  
*Aut duris Rhodopes cautibus editus*  
*Miles Sidere Martio.*  
*Non iam Sarmaticas exuias meis*  
*Delubris voueo, neque*  
*Currus sanguineos cæde POLONICA,*  
*Capta mergere Vistula.*  
*Quod si fata sinant, & bona fortibus*  
*Cælo numina consulant,*  
*Victrici galea iam meus hauriat*  
*Rhenum miles, & Albula*  
*Captiuo Geticas sentiat alueo*  
*Naues sanguine decolor,*  
*Et quæ belligeræ cunque Poloniæ*  
*Gens ultra Tanaim iacet.*  
*BELLO SOLA MORA EST, SOLA POLONIA.*  
*Sed quid spem modo transfugam*  
*Frustra sollicito? fataque Sarmatis*  
*Coniurata cohortibus?*  
*Vltra sola fuga est, si miseris fugam*  
*Fortuna, & pudor annuat.*



Hæc inter lituos dum lacrymabili  
 Thrax deflet querimonia :  
 FELICES AQUILAS, & toties Scythæ  
 Notas Sarmata promouet.  
 Tunc virtus Zephyris vecta iugalibus  
 Instructas acies adit;  
 Et magnas patrijs viribus aggerat  
 Mentes, atque capacia  
 Non ignobilium pectora vulnerum  
 Implet sanguine Martio.  
 Et dura patriæ mulcet Amor manu,  
 Formosoque periculo  
 Contemptorem animum funeris asperat.  
 At currus super & rotas  
 Plaudens leta iubis colla comantibus,  
 Exhortatur equos Pavor,  
 Aut lucem gladijs addit abeneam,  
 Aut pinnas radiantibus  
 Componit galeis, duraque mobili  
 Ludens arma quatit manu.  
 Sic pugnes Superis in profugos Scythas,  
 LADISLAE, fauentibus,  
 Sic vincas Superis, ò patriæ decus  
 LADISLAE, volentibus.  
 Post victas acies, atque Othomannico  
 Tinctum sanguine Bosphorum;  
 Currus cùm dominos utraque senserit  
 Serui ripa Boristhenis:  
 Per strages medias, armaque fortibus  
 Erepta arduus ambula:  
 Et partam meritis sume superbiam;  
 Dum conus galeæ minax

Victum



Victum Thraca iubis altior increpat.  
 Aut lassum vacuo caput  
 Deponas clypeo; & quæ prius hostium  
 Tinxisti gramina sanguine,  
 Somno iam placidus pacifico premas.  
 Dum pulchrum reuehens diem  
 Ficta grata quies Martis imagine  
 Iam secura pericula,  
 Et vanos strepitus misceat insolens,  
 Et currus, & equos sopor.  
 Mox per frugifera rura Podoliæ,  
 Fatalesque Getis agros,  
 Quà nunc Odrysis sanguine pinguior  
 Campus cædibus horruit,  
 Quà nunc cæde noua luxuriat seges;  
 Mauortis spolijs Ceres  
 Gaudens, Bistonij demetet ensibus  
 Maturam segetem, & Scythes  
 Flauentes calamos discet acinacis  
 Sicco scindere vulnere.  
 Et scuta ouiperas excipient aues:  
 Aut acris litui immemor  
 Carmen pacificum garrula ab hospite  
 Cassis discet hyrundine:  
 Quæ cæsi capitis plena Podolicis  
 Campis voluitur, & minor  
 Cristis mobilibus mæret inutilis.  
 Sic sic REGIA sanguine  
 Crescet fertilis barbarico SEGES:  
 Atque insignia Principis  
 Frugis sanguineæ purpura vestiet;  
 Foecundisque noualibus

Matu-



*Maturam segetem gloria demetet .  
 Et mandata fidelibus  
 Sulcis flaua Ceres foeneris annui  
 Usuram agricolæ dabit  
 Respondere tuis fida laboribus.  
 Hac sementis adorea  
 Armato agricolæ sceptrâ virentia  
 Surgent, & diademata  
 SIGISMUNDE tuis apta nepotibus .*

ODE QVARTA.  
 RELIGIO SIGISMUNDO  
 ARAS PROMITTIT.



*QUEM bellicosi prodiga sanguinis  
 Bellona Marti cunque probauerit ,  
 Et patriam obiectu cruenti  
 Pectoris eripuisse fortem,  
 Periculosam cum mouet aleam  
 Fortuna rerum mobilis arbitra ,  
 Signarit, & frontem superbis  
 Vulneribus memorem duelli.*

*Hic longa fiet fabula posteris;  
 Hunc inuidendum fama nepotibus ,  
 Proponet exemplum, memorque  
 Perpetuo celebrabit æuo.  
 Prius senectam marmora sentient  
 Mentita vultus, oraque fortium:  
 Aut æra, quæ spirant, parentum  
 Laurigeras imitata frontes.*

*Hac*



Hac arte vincet liuida secula,  
 Fugamque longi temporis, Arctico  
 Clarus SIGISMUNDVS triumpho,  
 Et PATRIAE PATER, atque Tutor.  
 Cui fraudulentis artibus Aedones,  
 Tandemque fido milite Concanus,  
 Et Tartarus velox pudenda  
 Versa fuga exhibuere terga.  
 Te, REX, sed olim patria, post quater  
 Emensa magni secula Nestoris,  
 Inter POLONORVM Sacratiss  
 Indigetes numerabit aris.  
 Viuet superba fama POLONIAE,  
 Viuet POLONI gloria nominis,  
 Viuet IAGELLONVM vetustus  
 Sanguis, & imperio paterno  
 Fatale nomen. Quem modo Bosphori  
 Videre Ripae, Thracaque flebilis  
 Phalangas hostiles prementem;  
 Dum patriae, populique vindex  
 Virtus, honesto leta periculo  
 Densos in hostes tela per & minas  
 Immittit audentem, fugatque  
 Dura super vacuos timores.  
 Dum castra densis oblita cædibus  
 Furor cruenta nube superuolans,  
 Et præ LADISLAO minaci  
 Bistonias acies fatigat.  
 Qualis cometes sanguineum iubar  
 Spargens, minaci lumine fulgurat  
 Abominati Martis, ardens  
 Nuncius, horribilisque pugna

Exter-




Exterret urbes. Heu! quibus horrido  
 Cruentus igni nunciat hostium.  
 Turmas? quibus regnis, quibus  
 Bella famemque minatur aruis?  
 Talem LADISLAVM agmina Thracia  
 Videre, quando fulmine senior  
 Ibat per obstantes cateruas  
 Aemonio inuiolatus arcu.  
 Non tutiorem præstet aheneo  
 Lorica textu, aut unguibus horrida;  
 Non arte Vulcani gementes  
 Passa Chalybs, Steropas, vel Aetnae  
 Recocta, flammis quæ tulit: altior  
 Quàm quem tuetur numine prospero  
 Virtus, & immissi volantes  
 Auxilio Superum manipuli  
 Deuota ferro pectora Thracio,  
 Hostemque iuratum exitiabili  
 Frustrà sacramento paternis  
 Auspicijs animosus vrge.  
 Vrge Scytharum terga fugacium,  
 Et mæsta Lunæ cornua Thraciæ  
 Iungi veta, quæ iam maligna  
 Luce micat, tenuique cornu  
 Sub lustris, antiqui imperij decus,  
 Et spes caducas deserit occidens:  
 Septemque iam soluit Triones  
 Cassa metu Geticosque montes.  
 Post hæc Orontes, aut gelido Ladon  
 Lauet fluento Bistonia rotas.  
 E strage fumantes, & arma  
 Odrysia maculata cæde.

Turcis



*Turcis nec ultrà seruiet altera  
Formidolosi ripa Boristhenis :  
Sed Barbaris velox Lycormas  
Limes erit , trepidusue Cydnus .*

ODE QVINTA.  
FAMA SIGISMVNDI  
AETERNITATEM POLLICETVR.



*GE præpeti volatu ,  
Age fama , scinde nubes :  
Famulantibusque nimbis  
Zephyros citatiores  
Meliore linque cursu ,  
Aquilonibus proteruis  
Ocyor , et pigro surgentes aëre ventos.*

*Age Diua , scinde nubes :  
Et utramque visæ partem ,  
Orientis , & cadentis :  
Via quâ citata Solis  
Celeres rotas fatigat ,  
Geminumque Phoebus axem  
Circuit , æternisque laboribus æthera lustrat.*

*Age Fama , tende pennas ,  
Zephyros præi volantes.  
Age Fama solue linguas ,  
Age , & ora pande centum  
Merita loquacitate :  
Tibi si patent tot ora ,  
Quot vigiles oculi , quot sunt in corpore plumæ ;*

*Age*



Age Thracios furores,  
 Age Regios honores,  
 Prohibe tuis filere;  
 Neque victa laus senecta,  
 Et inerte nube tecta  
 Scythici indices triumphi  
 Odrysias olim doleat marcescere lauros.


Age, garrula canenda  
 Ita semper, & stupenda  
 Nova suppetant: nec unquam  
 Taciturnitas molesta  
 Tibi claudat ora moesta;  
 Oculosque curiosos  
 Sarmaticæ semper virtutis imagine pascas.

Age; Bosphorum rubentem,  
 Age Vistulam calentem  
 Scythico cruore narra.  
 Cane Tartaros fugaces,  
 Cane Sarmatas sequaces;  
 Celeresque dic **OLONOS**  
 Crescentem Odrysio Lunam minuisse Tyranno.

L A V S D E O.

ROMAE, Typis Francisci Corbelletti. MDCXXIX.  
 SUPERIORVM PERMISSV.





Biblioteka Jagiellońska



stdr0027336



